



Communicaziun allas medias digl cumegn da Surses (nr. 13-2022)

Restar segl corrent cugl abunamaint «Novitads» digl cumegn da Surses

Cugl sarvetsch digl abunamaint «Novitads» lantscha igl cumegn en sarvetsch da novitads, cugl qual las utilisadras ed igls utilisaders retschevan mintgamai en e-mail, cura tgi vign publitgeida ena nova communicaziun sen la pagina web digl cumegn.

La communicaziun digl cumegn davainta pi impurtanta e vign veapi pretensiusa. Cun la crisa da corona è sa musso en basigns da schlarger la purscheida digitala digl cumegn. Percheigl è igl cumegn stgaffia igl sarvetsch d'abunamaint «Novitads», tgi pussibilitescha a persungas interessadas da restar an moda simpla sen igl current davart cheigl tgi capeta aint igl cumegn. Las utilisadras ed igls utilisaders retschevan automaticamaintg las communicaziuns per e-mail.

Igl sarvetsch d'abunamaint pò neir activo a parteir da dalunga sot www.surses.ch cun annunztgier l'adresa d'e-mail.

An dialog cun la populaziun

Cugl sarvetsch d'abunamaint «Novitads» cumplettescha igl cumegn las diversas maseiras da communicaziun tgi è neidas lantschedas igls davos meis per infurmar la populaziun da maniera pi vasta. Ins pò s'infurmar sen la pagina web digl cumegn davart tot igls projects pi gronds an moda detagleda. Per exaimpel infurmaziuns digl bietg nov da scola, dall'arena da sport a La Nars u dalla partizipaziun dalla giuventetna.

Persungas novdomicilieidas survignan tot las infurmaziuns pertutgont la midada da domicil sot www.surses.ch/bavegna. Tiers la pagina digl cumegn vignan occurenzas e publicaziuns uffizialas publitgeidas er anc sen Crossiety (plazza da vischnanca digitala). Igl cumegn tschertga er igl dialog direct cun la populaziun, per exaimpel cun organiser ouras da consultaziun ainten las vischnancas u a caschung digl apero annual dallas persungas novdomicilieidas, tgi è nia organiso chest onn per l'amprem'eda.

Tinizong, igls 12 da settember 2022



Medienmitteilung Gemeinde Surses (Nr. 13-2022)

Mit dem Abo-Dienst «Neuigkeiten» der Gemeinde auf dem Laufenden bleiben

Mit dem neuen Abo-Dienst «Neuigkeiten» lanciert die Gemeinde Surses einen News-Service, bei dem registrierte Benutzerinnen und Benutzer jeweils eine E-Mail erhalten, sobald auf der Gemeinde-Website eine neue Mitteilung publiziert worden ist.

Die Gemeinde-Kommunikation gewinnt an Bedeutung und wird immer anspruchsvoller. Mit der Corona-Krise ist der digitale Nachholbedarf offensichtlich geworden. Die Gemeinde Surses hat deshalb den Abo-Dienst «Neuigkeiten» ins Leben gerufen, der Interessierte auf unkomplizierte Weise auf dem Laufenden hält, was gerade in unserer Gemeinde aktuell ist. Die registrierten Benutzerinnen und Benutzer erhalten die Meldungen jeweils per E-Mail automatisch zugestellt.

Der Abo-Dienst kann ab sofort auf der Gemeinde-Website unter www.surses.ch mit Hinterlegung der E-Mailadresse aktiviert werden.

Im Dialog mit der Bevölkerung

Mit dem Abo-Dienst «Neuigkeiten» ergänzt die Gemeinde Surses die diversen Kommunikationsmassnahmen, die in den letzten Monaten gestartet worden sind, um die Bevölkerung umfassender informieren zu können. Dazu gehört, dass auf der Gemeinde-Website zu allen grösseren Projekten eine eigene Unterseite mit detaillierten Informationen zu finden ist, wie etwa zum Schulhausneubau Grava, der Sportarena La Nars oder der Jugendpartizipation.

Neuzuzügerinnen und Neuzuzüger erhalten neu unter www.surses.ch/bavegna alle wichtigen Informationen zu ihrem Zuzug bzw. Umzug kompakt zusammengefasst. Und neben der Gemeinde-Website sind Veranstaltungen und offizielle Publikationen auch auf Crossiety (digitaler Dorfplatz) ersichtlich. Zusätzlich sucht der Gemeindevorstand aktiv den Dialog, beispielsweise mit der Organisation der Sprechstunden in den Dörfern oder beim jährlich stattfindenden Neuzuzüger-Apéro, welcher dieses Jahr zum ersten Mal durchgeführt wurde.

Tinizong, 12. September 2022